



第二六四册

四庫全書

●上海古籍出版社

本冊目次

沙	清	東	華
		田	泉
溪	惠	遺	
集	集	稿	集

明孫緒撰……四八三	明劉麟撰……三一五	明張楨編……二四五	明邊貢撰……一
-----------	-----------	-----------	---------

欽定四庫全書

集部
華泉集卷一

詳校官中書臣沈

中書臣劉源溥覆勘

總校官庶吉士臣倉聖脉

校對官編修臣蕭九成

謄錄監生臣朱文佐

欽定四庫全書

集部六

華泉集

別集類五 明

提要

臣等謹案華泉集十四卷明邊貢撰貢字廷定華泉其號也歷城人弘治丙辰進士官至南京戶部尚書是集凡詩八卷文六卷魯中立海岳靈秀集曰華泉之作雖不逮何李然平淡和粹孝廟以前海岱之才無其倫比胡

欽定四庫全書

華泉集
提要

應麟詩藪曰世人獨推李何為當代第一余以為空同閨中人氣稍過勁未免失之怒張大復之亮節俊語出于天性亦自難到但工於文句而乏意外之趣獨邊華泉興象飄逸而語尤清圓故當共推此人陳子龍明詩選則曰尚書才情甚富能于沉穩處見其流麗聲價在昌穀之下君采之上今考其詩才力雄健不及李夢陽何景明善于用長意境清

遠不及徐禎卿薛蕙善于用短而夷猶于諸

人之間以不戰為勝無憑陵一世之名而時

過事移日久論定亦不甚受後人之排擊三

人所論當以子龍為持平矣昔薛蕙于嚴嵩

為同年頗相唱和及嵩柄國蕙即謝絕往還

併削去舊作不留一字至今為論者所稱是

集乃取送嵩之作列為壓卷不免見疑于清

議然詩集為貢沒之後其里人劉天民所編

欽定四庫全書

華泉集

二

時當嘉靖戊戌正嵩權熾盛之日或天民無

識趨附時局以為榮非貢本志歟其文集亦

大名魏允孚所續刊自明以來談裁家置而

不論今核其品格實遠遜有韻之詞盖才有

偏長物不兩大附詩以行視為琬琰之藉可

矣乾隆四十三年九月恭校上

總纂官_臣紀昀_臣陸錫熊_臣孫士毅

總校官_臣陸費樞

華泉集原序

余讀華泉先生集蓋有世道之感焉昔者孔子曰先進

於禮樂野人也後進於禮樂君子也如用之則吾從先

進文勝之敝人至以先進為野人此其已溺而不可返

孔子豈不知之而猶力為之辨曰吾從先進云云聖人

固以為文質彬彬吾志誠在斯焉已且安知斯人之果

不吾從也我明當孝廟之世皇運熙宏人文樸茂學古

之士並軫而翔闊西則李獻吉汝南則何仲默吳中則

欽定四庫全書

華泉集

一

徐昌穀歷下則邊庭實庭實先生字也獻吉之詞雄仲

默之詞逸昌穀之詞蒼蒼先生之詞溫然粹然即人自為

家究之緣情示志體物敘倫動軌自然不殊也雖其人

已往間嘗諷其詞猶足以想見其人與夫當時政治風

俗之盛今之學士大夫文非左國遘固雄向則亡稱詩

非石植明遠靈運甫白則亡稱然其氣飄忽迅激驟而

睹之色驚稍扣之汨汨乎無餘味焉何者數先生一於

鏡古人之精而世學士大夫猶未免擬古人之華也鏡

精者盛世之文擬華者季世之文今之文吾何敢以季
世待之然其視盛世何如哉故曰余讀華泉先生集而
有世道之感焉先生集舊有本歲久而蝕又遺所為文
不載余理濟之明年從先生仲子搜得數十篇因敘入
集中為重錄之匪徒不朽於先生之詞且俾論世者有
所考鑑庶幾慨然而興先進之思云大名魏允孚序

欽定四庫全書

華泉集
原序

欽定四庫全書

華泉集卷一

明邊貢撰

詩集一

四言古體

顯陵五章送嚴介溪宗伯

於穆獻考叔哲維則宅茲郛方以蒞王國篤生我后膺
符受歷奕世丕承下土是式

欽定四庫全書

華泉集
卷一

滔滔江漢翼軫之墟我后龍翔奄正中區誕基駿命聿
紹鴻圖赫赫明明肇闡徽謨

帝念孝思繼序不忘位號既崇復我天常有嚴新廟祠
禴烝嘗是典是彝誕告多方

乃命司空伐石京師薊薊我陵大建厥規載經載營竹
花卜釐立極考度備物多儀

帝屬其文經緯七曜貞觀崇封勒我純孝億萬斯年湯
孫是詔天人肅肅衛茲墜道

限柳壽林母也

限則有柳原則有柳顯允林侯母德且壽母壽維何七秩是望母德維何婉古敬姜

殷殷其雷在山之陽侯政有聲聞于東方匪維東方四國是揚母心則閒母體則康

體之康矣鬚之黃矣我侯燕喜家之慶矣於百斯年錫福之無疆矣

二章章八句一章章六句

欽定四庫全書

卷一

朝涉篇

朝涉美孝子也陳大夫仕為御史贈其親感而悲焉風人美之故作是詩

朝涉洪流夕步江臯凱風吹衣游子心勞岸則有藻江則有魚我釣我採薦之中厨昔曳里布以獻以舞今也則亡敢曜斯組繫祭五鼎厥養迺三祿不逮存哀哀孰堪上塚燕黃下塚回首嗟嗟游子行役已久

晚晚暮光蕭蕭白楊永懷二人曷也可忘

六章章四句

園田詩

有序

洪隱君者歷下人也有用世之才而不樂於仕仕且及曰吾弗仕也戢居山東習治園焉予之不見者十年矣日往來於懷思一見之而竟不得也今年春有客自山中來至京師至京師未久也乃歸山中曰洪子之懷子也

欽定四庫全書

卷一

甚甚於吾子之懷之也吾歸矣子盍有言乎子曰有是哉洪子之為移文調我也則幸矣作園田詩以美之

園有田田今宜我碩實連連兮

園之中今有田可官我構斯崇維柏維桐曷以弗永終園之周兮翼翼盈我疇兮疇有秋兮曷其求兮

一章章三句二章章五句三章章四句

泉之濱哀隱士也

泉之濱兮白石磷兮以飲以濯育吾真兮

泉之澔兮錫之土兮載濬載渠溉之溥兮

人之墜矣泉之匱矣瞻言跂兮衆之喟兮

三章章四句

山之陽送朱子宜歸省

三章

山之陽兮有春者暉草之華矣將子言歸

山有泉兮瀄瀄其流子之歸矣誰與我晤遊

子之歸矣登堂壽母何以贈子曰有春酒

欽定四庫全書

華泉集

四

五言古體

次韻題豫齋扇

適意無多言一笑成莞爾我心寒沙月君心古潭水莫

作江上波隨風夜中起

送別台峰

皎皎中庭月照此離客顏月沈會有升客去何當還采

采園中瓜裊裊不可攀草木本無知枝蔓相鈎環如何

宦遊子岐路長間關散如蓬逐風聚如雲在山聚散本

莫期毋嗟涕潺湲

茗嶼

滑滑海氣白楚楚衣冠聚誰開高真靈太尉體光貯緬
仰世則公樂茲清茗嶼

盤谷

佳氣何盤盤松柏叢林壑上有大宗祠棠棣華繁鄂始
自一人身分此千萬絡

宗會廟

欽定四庫全書

華泉集

五

廟貌儼生存妥靈綏後祿水木有本源十幅同一轂四
百餘年來因之序昭穆

時思堂

蒼涼海日曙堂下森蘭玉願言永孝思俎豆差繁縟歲
歲薦烝嘗采蘋清澗曲

環翠樓

樓前塚累累隴上麥青青島霧開遠岫海霞明空庭夜
半松聲作淒其不忍聽

延月軒

松上有海鶴松下有泉石軒中几格明軒外孤兔跡延
覽興遐情半窓山月白

望雲亭

感沸此檻泉脈自龍漱來飛出兩白龍剗然丹壁開倚
亭望長雲從天噴風雷

世紀田

朝耕高奧田莫耕高奧田梁盛戒清酤伏臘擊肥鮮良
欽定四庫全書

哉古人意以此奉周旋

觀蘇門山圖

昔予祇皇役弭節蘇門山展眺孫登祠薄暮松扉闌淒
風振林木颺颺流區寰如聆長嘯音來彼白雲間又如
見青囊囊琴弄潺湲緬懷沈冥志上與沮溺班一別期
再遊欲往途路艱臨圖起遐想延佇久忘還

再遊石門洞

蒼然郭東山百丈縈青碧石門忽中斷窈窕開仙宅遙

窺日月深却轉煙霧隔中天屹樓居星斗掛几席芳巖
眩綺繡叢巖圍蒼壁山鬼不避人驚猿嘯窺客披榛上
孤亭奇觀壯心魄窮崖倚天懸瀑水半空射高流橫雜
珮直下垂疋帛分作四山喧散為千頃澤初冬天未寒
晨曦映嵐赫重來意彌眷獨往往所適信美愜心期胡
為老行役終然脫塵網高舉凌風翻

送王內使敬夫歸省

以華甫詩燈花開亦
始喜鵲報清音為韻

歸驂慕鄉土欲止不可能朝發華陰祠日夕過灊陵風
欽定四庫全書

華東集

七

林散輕雨山店明春燈忽憶舊時路別來如更增蟪蛄
綴簷牙遊子行到家鄰里登牆頭顧望紛且譁堂前列
車馬堂上生光華何以為親壽宮衣明繡花草堂近終
南采蘭日往來兄弟各相勉行歌咏南陔親心日以悅
親顏日以開閒時語家慶笑指庭中槐春潭水烟青春
岸杏花赤宛轉沙上徑依依記行跡濯纓清淺流還坐
舊苔石鷗鷺了不驚遙應識歸客春分酒初熟香滿青
門店匹馬隨雙童穿林復經塹夜窻清夢裏花筆生彩

始好是南山靈相尋索詩欠我思何所在乃在樊川
斜月照虛梁微風動芳芷悠悠抱沈念脉脉感前喜尺
練難重持春冰限雙鯉君陂水多魚我湖山有鵲一飛
與一潛各自相娛樂同遊京輦下十載鎮如昨昨夜問
君行朝來宦情薄君才比天馬高躅不可蹈我心寔亡
羊多岐賴君導闢山一為別輪軫何時到感激木瓜篇
瓊琚愧相報枕書卧南窓月黑燈不明遙夜無近夢深
交有遐情鳴琴寫幽懷調苦絃亦清曲罷不成寢高林
啼曙鶯秣馬西送君行行古城陰長亭短亭路千里萬
里心春綠變山草連連岡與岑歸林渺烟光彷彿聞車
音

欽定四庫全書

華東集

八

送陳文鳴

鬱鬱深澗松冬夏不改青濯濯江柳花隨波化流萍
彼五陵客終朝宴芳脰三楚多秀士皓首窮六經誰
為尺一書薦之升王廷
達人徇高義立志不苟同長嘯六合表傲睨一世中君

看今日顏不及昨日紅乘運各努力揚休樹德風顏年
儻相值跨鶴蓬萊東

次何遜落日泛江贈魚司馬之作奉送劉美之

相投已盡簪相贈還留帶昨暮長安西今朝苑城外誰
言車馬地復得須臾會會君心暫悅去君心轉切秋岐
蔓寒草隱隱烟不絕歸鴈影聯翩墜葉聲騷屑端居尚
興感況乃萬里別桂舸沂江湘何時到蠻泖蠻水夜悠
悠月明登郡樓幽蘭翠縈渚紫蘅香繞洲應歌楚人詞
坐惜勛名浮

欽定四庫全書

華東集

九

美之席上限韻送別二首

惻惻重惻惻當歌忽成默客車駕雙輪欲挽不可得華
燈架宵焰殷勤照行色月轉庭榭先風起簷樹黑誰能
理朱絲為鼓長相憶
悠悠清川波矯矯風林翼翼飛邈難止波去何時息憐
君萬里行莽莽天南北罹紛有孤操涉遠無近力不見
寒松枝歲晚青更直

賦得將有事於西疇送王中丞致仕

發春驚蟄始土脉動淵泉時雨宵既零浮陽藹平阡風
興飾未耜驅牛登廣原竭茲畎畝力感彼農父言穡事
依東作天時易流憇南鄰有逸夫日晏高枕眠四體苟
不勤何以窮歲年

送王叔武使河南便道省觀二首

黃河三尺雪冰厚不可解使君白馬來青雲見風采蕭
蕭梁園竹秀色遙相待鄒生與枚叟借問今安在日暮
欽定四庫全書

登吹臺含情向千載

奕奕明農堂脩楣耀晴彩堂前春草綠堂上春雲靄遊
子日下還宮衣試新絲夕膳飪鮮鱗晨羞薦芳蕕何以
祝親壽如山復如海

章氏園錢別升之分得木字

中園飛雨過逍遙散遐矚青雲蔭華棧迴飈撤炎燠百
卉何歲艸芳菲鮮如沐駕言贈遠人采采溝中綠遲回
未終極陽景沉西陸歸驥嘶長林翔禽鳴高木感物多

所思寒裳以躑躅躑躅不可留何以慰衷曲

送王盛

朝辭雙闕下暮抵三河宿古戍早鴻稀荒城寒草綠上
官山吏拜行縣村童逐冉冉松間亭何人伴幽獨

秋郊別意為汝南孟翁補作二首

驅車循廣術言返故鄉縣晨光一何綺嘉微散秋句宛
宛墟曲中盈盈露華泣因之感遊寓物候倏已變豈薄
骨肉情遙重桑梓戀

欽定四庫全書

桑梓在何許藹藹汝南村綠叢帶長薄清川映柴門言

別上春時當秋始來還未黍一已獲膳膳見高原落日
樵牧歸涼風散雞豚登堂見鄰叟呼兒具盤飧依依丘
中情款款醉後言即爾足為樂安用乘華軒

別劉子二章

文車駕四牡迤邐度層阿伊人秉朝憲結綬辭承華飛
龍御宸極期運亨以嘉甘霖雨九天皇澤被幽遐顧念
囹圄子累繫誠可嗟憲章苟不渝殲戮豈在多行哉布

天惠庶以和邦家

昔我二三子弱冠登皇朝並跡協蘭芳聯翩振華鱗朝
出長楊苑日夕憩平臯逝矣終邇月綢繆以道遙顧子
邁南江劉侯踰上郊嘉好一乖別馳光條飄颻臨川睇
浮雲結思如迴潮

次韻贈李子行之如陳

迢迢阻歡宴戚戚傷離居離居結中懷鬱鬱慘不舒若
人美無度貞抱沖以虛朝為同朝客夕暮隔林墟林墟
欽定四庫全書
卷一
華集
十二
積秋霖流潦不可除四野晦蒼蒼行行安所如驅馬臨
大道瞻顧空踟躕

奉送大司馬華容劉公致仕二首

萬萬東山雲覆彼山下堂乘時播皇澤從龍彌八荒八
荒遼且邈下上以翺翔龍遊鼎湖陰雲歸故山陽何以
慰蒸庶私衷鬱彷徨

草堂何所有有蘭復有芝采采山之側飛仙相與期寄
傲雲霞間可望不可追抗手謝城市去去從此辭徒遺

高世風永繫來哲思

為楊子賦別母詩

青驪載華轂宛轉度秋坂母氏遠別離客子心繾綣行
行采芳蕙綠陰復徂曉山風夕飄颻吹我車上憶車行
不可返母去日以遠何以保黃髮對子加餐飯

追送宗之憲副不及

臥病起恒晏出戶客已行征車揚素塵窈窕踰層城行
行遵故轍阡術縱以橫望望不見君悠悠傷我情清川
迴白日可以鑒中誠

欽定四庫全書

華集

十二

送沈仁甫歸省二章

瞻夕臨廣郊歡宴良須臾之子駕言返高登鬱踟躕不
惜形影潤所悲歲月踰三江曠綿邈悠悠限東隅征途
慎所須願保千金軀

品服耀有輝班裳以綈之桑梓誠可戀道路安足辭馨
羞潔甘旨爰以隆孝思徘徊膝下歎婉孌及良時修齡
欲有祝永與南山期

元夕致仁宅詠燈送別

佳辰逼元夕宴語春雪餘梁燈一何豔流光照離祛燈
燼可復燃祛解難重挈盈盈江上心感念成歎歎相看
已不極相憶當何如

贈王文熙五首

陽鳥流歸音空堂春風早居人結遠夢行子就長道雞
鳴東方白整駕何草草歎息素冠冠詩繁憂滿中抱

總轡城東門綵綫行子輟郊原茂時卉林薄鳴春鳩登

欽定四庫全書

華泉集

十四

高眺連岡川途邈且脩俯睇川上波泛泛鳬與鷗一為

離群感淚下不能收

昔子往恒山倉卒不我辭竭從恒山至挈經何疊疊素
室曜朱火哀哀讀喪儀一讀一長號再讀聲轉悲咄嗟
荼苦心逝者寧見知

逝者為何人寔惟子先公往昔蒞吾土藹藹多仁風土
人至今思譬若考與宗梁木一朝毀傷哉吾道窮對子
攬長涕誰謂出無從

平居恨迢遠卜舍依我廬如何別我去三載天一隅留
之歎無因欲往路崎嶇形影隔參商托彼雲中書不如
斯須立暫得話踟躕

再送文熙二首

夜久河漢橫春堂別燈照風淒鳥初動露重花猶斂明
發不在茲重闕為誰掩

離言不可聽離怨不可書一日比三秋茲言良非虛江
深雲木遠去去將焉如

欽定四庫全書

華泉集

十五

送縣令代劉永寧作

南邦有佳士淳樸君子風登朝十年餘墨綬猶在躬維
昔治莆日化與由也同監司匪宣尼誰哉賞其功再命
蒞恒山冰心晚彌篤予慚舊令尹有政不可告驅車蒞
門外把酒燕臺曲大道坦且直一試千里足

贈何邦彥

花林霽宵雨柔碧光離離美人駕行車遙選雙輪遲輪
遲無終極親愛從此辭何以結綢繆玉瓶金屈厄浮雲

暗長路奄忽天一涯窮谷多狼豺水墊池與蠕客子戒
遠道行行欲安之

行行欲安之肅肅持邦刑藉藉于公譽我我高漢廷君
心如列宿照野何晶熒又如日在空皎皎懸丹旂豈令
囹圄子惻惻歸沈冥

別熊子三章

驅馬陟前阪惆悵送子歸良晤未及終車徒忽已違陰
風蔽天地砂礫慘陽暉葵霍不自謀衆禽相與飛五里

欽定四庫全書

華泉集

十六

一及顧十里一徘徊徘徊不可見淚下沾我衣

車徒去彌遠言駐澧水陽婉孌諧二親春暉麗高堂堂
下班馬鳴意氣何揚揚暮甘復朝旨為樂良未央嗟彼
時役牽闊途遲翔翔

翔翔適嶺海路衢悠以長車前建隼旗車後擁千將擊
獸須擊虎刈蕭無及芳丈夫志萬里遐遠安足傷順顯
霄漢姿皎皎冰蘗腸勗哉保終譽慰我親故望

別湯子五章

闊途鬱迢遠卉草青已發驄馬何駉駉向風鳴不歇廣
隰流春霏層岑翳圓月遲迴去不忍引領望京闕

京闕邈難親萋萋蒼樹林沈沈天宇夕霏霏浮雲陰丈
夫萬里志烈士千古心鳳鳥久不鳴誰哉繼其音

彈子匣中琴寫我心曲悲我悲良自諳子琴知者誰不
惜去日早但恨來日遲何當假羽翼送子川之涓

驅車井陘谷揚旆汾水流翔翔覽四極迢遞陟崇丘遐
阪歷巖巖幽訪決原疇勗哉利爾涉風湍寡行舟

欽定四庫全書

華泉集

十七

喬木多勁柯直流無反波哲人秉孤操孰云先可和嗟
彼黃雀吟感此卿雲歌悠悠向原隰惋惋將如何

吳將軍巡關圖

戎馬歲南牧漢軍勞北防軍情異主將冷煖須共嘗朝
出潮河川暮過古北口邊烽傳羽箭朔氣嚴刁斗月下
黑山晴分明見列營霜欺征袖薄石報獵蹄鳴三軍晏
然睡我亦倚吾枕天子不可驚長懷亞夫寢

清白傳家卷為劉安之題

清如渭川水白如太白山邈爾清白人遙在山水間至清不可清至白不可涅傳子復傳孫一心如一轍山同今古色水同今古流清白苟不變山水同悠悠

題白巖畫松圖

古松何童童獨立難可拳歲暮倚冰壑偃寒凌蒼雲脩標有遠蔭直幹無曲文匠氏苟不遺寧避斧與斤

題楊氏所藏畫

翩翩水禽飛灼灼水花亂柔艷雜幽聲紛紛滿芳甸悠

欽定四庫全書

華東集

六

悠畫中意潑潑天機新彷彿曾遊處江南二月春

題畫

空江夕烟斂日色沙上明輕連漾蘭楫嫋嫋秋風生白雲滿層阿林光帶高城姬文去已遠詎辨垂綸情

題放鶴圖集陶句

野外罕人事靈府長獨閒登陟千里餘晨夕看山川川一何曠亭亭月將圓雲鶴有奇翼一盼周九天但使願無違甘以辭華軒念之動中懷放意樂餘年吁嗟身

後名百世誰當傳

答顧華玉見懷之作

離腸如車輪萬轉不計程咫尺阻言譙何殊在山城閒曹事稽纂文墨紛相縈不見馬上人空聞馬蹄聲攬衣步幽閨脉脉牽遙情屋上春鳩啼樹杪浮雲行坐惜韶景暮江皋芳杜生

贈徐子

丹棗何累累朝日耀其光上有同林鳥飛飛鳴且翔行子遠于役攜手登河梁舊京渺安之江永衢路長戚戚里中語依依川上情駕言往相逐無舟何以航乖離去則已但使心無忘

贈友

春陽初獻歲芳樹日以青送遠及近郊何由申我情我情方鬱紆君駕不可停瞻彼飛鴻翼聯翩共遐征奕奕雲中河爛爛川上星中顧渺難逢佇立以屏營

醉中呈時大親丈

憶昔別丈人倏忽八九春往年雖暫逢契濶無由伸寒
冬陰氣固微陽照廣津送送不及達千里空勞神今來
芳草時言作上國賓青袍耀垂楊移家住京塵吾親適
試吏相過無昏晨見母復見姑此樂難具陳佳辰展良
讌味寡情則真相顧各躊躇何以序情親醉別勿草草
揮手天涯人

逆旅中會同年杜子廷獻因懷其弟廷陳省元
凄然增感

欽定四庫全書

華東集

子

月缺還復盈木枯還復榮如何泉下客一死無重生芳
筵列時彥栖栖見遺兄昔同賓薦來雙壁價連城今為
失侶鴈徘徊哀且鳴存亡一興感四座盡沾纓孤墳背
山郭宿草萎以縈死者亦何知縊茲骨肉情長歌欲相
慰彌使心忤忤

維洛美劉子也劉子仕洛為大夫作室以奉母

君子名之曰榮養風人美之故作是詩焉

維洛有崇堂宛與伊闕京層構何崔巍仰觀浮太清青

雲結懸牖丹霞麗飛甍雞鳴事甘旨爰以隆孝情定省
日在茲致美良匪盈嗟嗟宦遊子百世以為榮

榮名本天爵匪直耀圭組之子仕京洛膏澤被遐土膏
澤被遐土皇鑒亦孔昭烜烜循吏稱洋洋流漢朝寔維
慰母心居處良逍遙

逍遙復容與降陟在斯堂萱草雜杜衡羅生前後廟循
基撫嬰孺登俎挹華觴俯睇洛川流顧瞻嵩與印優哉
樂相樂千春壽未央

欽定四庫全書

華東集

主

奉贈少司徒華容王公致仕

大谷霽長霖迴雲蜎山澤流潦豈不廣孰云泥吾軫朝
謝司農卿夕為岳陽客皇眷良在茲行止各有適有適
非盤教眷言反初役解彼府中綬歸我湖上宅葺宇依
清連躋山憩玄石幽棲謝生慮靜便終日夕矯矯雲際
鴻誰能制其翮

贈閻允中

郊月隱寒樹喔喔霜雞鳴翩翩隨陽鳥悠悠憚遐征客